

兩
浙
名
賢
錄

兩浙名賢錄卷之三十四目次

清正

三國吳

都陽太守魏周休騰

晉

尚書令陸祖言納

尚書僕射孔安國

散騎常侍丁世康潭

子誥附

中書令王子敬猷之

子靜之附

清江集

卷之三十四

七

宋齊梁陳

祠部尚書王伯重鎮之

左衛將軍謝景先述

侍中謝弘微審

御史中丞孔彥琳琳之

弟璩之子

侍中王少明悅之

黃門侍郎虞茂瑤玩之

尚書左僕射王季希延之

祠部尚書虞景豫棕

東觀祭酒虞士恭愿

戎畧將軍虞次安寄

唐

吏部尚書錢蔚章徽

宋一

翰林學士詹存孝驥

翰林學士錢醇老藩

朝請郎錢景謀

秘閣檢理王介

翰林學士錢穆父總

白牛居士陳令舉舜俞

祠部員外郎強幾聖至

右司員外郎吳師禮

給事中傅子駿崧卿

福建提舉吳守約詳

子祚若附

華陽令唐恕

弟意附

潮州判沈次仲造

翰林學士毛達可友

弟奎子開附

吏部郎李彥淵執

刑部郎史祺孫

虹縣尉徐端益

殿中侍御史沈德侔

子濟附

浙江提點刑獄王與正師愈

細高居士王槐鄭中甫

吏部侍郎應仲實孟明

吏部侍郎閻丘逢辰昕

湖北提舉胡子上升

太府寺丞清彝舉大臨

判潼州轉運王佐

直秘閣林懿成季仲

弟叔
豹附

太常少卿胡季臯喪

司農卿林正甫湜

戶部侍郎馬會叔大同

資政殿大學士沈德之薨

太府簿丘漢規何

起居舍人倪起萬千里

兵部郎孫居敬初

刑部侍郎蔡行之幼學

于篇節
範附

兩浙名賢錄卷三十四目次終

兩浙名賢錄卷之三十四

東海徐象梅仲和氏謨

武原錢 陞西乘氏閔

清正

三國吳 凡一人

鄱陽太守魏周休騰

魏騰字周休上虞人河內太守朗之孫也少與同邑吳
範友善孫策定江南聞其名辟爲功曹以忤意見譴將
殺之衆莫能救賴策母吳夫人言得免語在列女傳其

後事權復以事忤意，權責怒甚嚴，敢有諫者死。時吳懿以風角占領太史令，謂騰曰：「與汝偕死。」騰曰：「死而無益，何用死爲？」範曰：「安能慮此？」坐觀汝邪？乃髡頭自縛，詣門下，使鈴下以聞。鈴下不敢，範曰：「汝有子邪？」曰：「有。」曰：「使汝爲吳範死子，以屬我。」鈴下曰：「諾。」乃排闥入，言未卒，權大怒，欲便投以戟，逡巡走出。範因突入，叩頭流血，言與騰並良久。權意釋，乃免。騰騰見範，謝曰：「父母能生長我，不能免我於死，丈夫相知如汝，足矣。」何用多爲？騰性剛直，行不苟合，雖遭困，固終不同撓。歷歷山、潯陽山、陰三縣。

今鄱陽太守以清白稱於一時

音共六人

尚書令陸祖言納

陸納字祖言玩之子也清操絕俗爲吳興太守不受祿徵拜左民尚書領州大中正濱行外白宜裝幾舡納曰私奴裝糧食來無所復須也臨發止被襆而已餘並封以還官遷吏部尚書加奉車都尉將軍謝安嘗欲詣納而納殊無供辦其兄子徽不敢問之乃密爲之具安既至納所設唯茶果而已徽還陳盛饌珍羞畢具客罷納

大怒曰。汝不能光益叔父。乃廢污我素素邪。於是杖之四十。尋遷尚書僕射。加散騎常侍。俄拜尚書令。恪勤固始終不渝。時會稽王道子。以少年專政。委任羣小。望闕而歎曰。好家居。繼兒欲撞壞之邪。朝士咸服其忠亮。尋除左光祿大夫。儀同三司。未拜而卒。卽以爲贈。

尚書僕射孔安國

孔安國字安國。愉之少子。汪之季弟也。小諸兄三十餘歲。羣從兄弟並乏才名。以富強自立。惟安國與汪少。賈。孤貧之操。汪旣以直諒稱。安國亦以儒素顯。孝武帝

甚蒙禮遇仕歷侍中太常及帝崩安國形素羸瘦歷
經漸酒竟日見者以爲真孝再爲會稽內史領軍將軍
安帝隆安中下詔曰領軍將軍孔安國貞慎清正出處
播譽可以本官領東海王師必能導達津梁依仁游藝
後歷尚書左右僕射義熙四年卒贈左光祿大夫

散騎常侍丁世康渾

子話附

丁渾字世康會稽山陰人吳司徒固之孫也初爲郡功
曹察孝廉除郎中稍遷丞相西閣祭酒元帝踐祚拜附
馬都尉奉朝請尚書右部郎時瑯琊王褒始受封帝欲

引朝賢爲其國上卿將用渾以贈中書令賀循循曰
中令職望清重實宜審授渾清渾貞粹雅有隱正堅明
所簡才實宜之遂爲瑯琊王郎中令會哀薨渾上書求
行終喪禮詔下博議太常賀循議禮天子諸侯俱以至
尊臨人上下之義君臣之禮自古以來其例一也故禮
盛則並全其重禮殺則獨從其降春秋之事天子諸侯
不行三年至於臣爲君服亦宜以君爲節未有君除而
臣服君服而臣除者於是詔使除服心喪三年成帝
以循爲祿騎常侍侍中遷監作樂帝薨處於石槨循

及侍中鍾雅劉超等隨從不離帝側峻誅以功賜爵采
安伯遷大尚書徙廷尉累遷左光祿大夫加散騎常侍
屢表乞休詔以光祿大夫還第門施行馬祿秩一如舊
制年八十卒贈侍中大夫如故謚曰簡子諡位至散騎
侍郎

中書令王子敬獻之

子靜之附

王獻之字子敬少有盛名而高邁不羈雖閒居終日客
止不怠風流爲一時之冠嘗與兄徽之操之俱詣謝安
二兄多言俗事獻之寒溫而已既出客問王氏兄弟優

劣安曰小者佳客問其故安曰吉人之辭寡嘗夜卧齋中而有偷人入其室盜物都盡獻之徐曰偷兒青纒我家舊物可特置之羣偷驚走工草隸善丹青七八歲時學書羲之密從後掣其筆不得歎曰此兒後當復有大名桓溫嘗使書扇筆誤落因畫作烏駝犂牛極有情態起家州主簿秘書郎轉丞以選尚新安公主謝安進號衛將軍請爲長史太元中新起太極殿安欲使獻之題榜以爲萬代寶而難言之試謂曰魏時凌雲殿榜未題而匠者誤釘之不可下乃使韋仲將懸梯書之比訖

鬚皆白。裁餘氣息。還謂子弟。宜絕此法。獻之。揣知其旨。正色曰。仲將魏之大臣。寧有此辱。使其若此。有以知魏德之不長。安遂不之過。尋除建威將軍。吳興太守。徵爲中書令。及安薨。贈禮有同異之議。惟獻之與徐邈共。明安之功勲。上疏極言。孝武遂加安殊禮。未幾。獻之遇疾。家人爲上章。道家法應首過。問其有何得失。對曰。不覺餘事。惟憶與郗家離婚。俄而卒。贈侍中。特進。光祿大夫。謚曰憲。無子。以兄子靜之嗣。位至義興太守。

宋齊梁陳 共十二人

祠部尚書王伯重鎮之

王鎮之字伯重中書郎耆之之孫上虞令隨之之子鎮之爲剡上虞令並有能名桓玄輔晉以爲大將軍錄事參軍以母老求補安成太守母喪去職在官清潔妻子無以自反乃弃官致喪還上虞舊墓葬畢爲子標之求安福令隨子之官服闋爲南平太守召拜御史中丞執法不撓百僚憚之出爲建威將軍平越中郎將廣州刺史加都督宋武帝謂人曰鎮之少著清績必將繼美吳隱嶺南獎俗非此不康也在鎮不受俸祿蕭然無管夫

官之日不異。初至武帝初建相國府爲諮議參軍領錢
事善於吏職廉而不殘遷宋臺祠部尚書武帝踐祚來
於宜訓衛尉弟弘之自有傳

左衛將軍謝景先述

兄純附

謝述字景先小字道兒衛軍長史純之弟也劉毅鎮江
陵純爲南平相及王鎮惡襲殺毅純聞變馳還入府左
右欲引車外解純叱之曰我人吏也逃欲安之遂入遇
害述時甫弱冠隨在江陵乃奉純喪還都至西塞遇暴
風純喪舫漂流不知所在述乘小舡尋求經純妻庾舫

遇庾遣人謂曰。小郎去。必無及。寧可存亡俱盡邪。逵號
泣答曰。若安全至岸。尚須管理。如其已致意外。逵亦無
心獨存。因冒浪而進。見純喪幾歿。逵號叫呼天。幸而獲
免。咸以爲精誠所感。武帝聞而嘉之。辟爲主簿。甚被器
遇。尋爲太尉參軍。從征司馬休之。封吉陽縣五等侯。元
嘉二年。拜中書侍郎。後爲彭城王義康驃騎長史。領南
郡太守。義康入相。逵又爲司徒左長史。轉左衛將軍。蒞
鎮清約。弘無宅舍。義康遇之甚厚。尚書僕射殷景仁。領
軍將軍劉湛。並與逵爲異常之交。逵美風姿。善舉止。湛

舞甯人曰我見謝道兒未嘗足達有心虛疾性理時或
乖謬卒於吳興太守及劉湛誅義康外鎮將行歎曰
湛惟勸吾退劉湛惟勸吾進述亡而湛存吾所以得
免也文帝亦曰謝述若存義康必不至此孫騰自有傳

侍中謝弘微密

謝密字弘微西中郎萬之曾孫也祖韶車騎司馬父思
武昌太守弘微年十歲出繼從叔峻名犯所繼內諱故
以字行童幼精神端審時然後言所繼叔父混名知人
見而異之謂思曰此兒深中風敏本成佳器峻是司空

瑛之子於弘微本服緦親屬中表素不相識事意承接
皆合禮表義熙初襲爵建昌縣侯弘微家素貧儉而所
繼豐泰唯受數千卷書罔史數人而已遺財祿秩一不
關預混聞而驚歎混風格高峻少所交納惟與族子靈
運瞻晦曜以文藝賞會常共宴處其外雖復高流時譽
莫敢造門瞻等才辭辯富弘微每以約言服之混特所
器貴號曰微子謂瞻等曰汝諸人雖才義豐辯未必皆
懷衆心至於領會機賞言約理要故當與我共推微子
尋拜員外散騎侍郎琅邪王大司馬參軍義熙八年遷

以劉毅黨見誅。混妻晉陵公主改適琅邪王綽。公主雖
執意不行而詔與諸氏離絕。公主以混之家事。悉以歸
混。混仍世宰相。一門兩封。田業十餘處。僮僕千人。唯在
二女年並數歲。弘微經紀生業。事若在公。一錢尺帛。無
入。皆有文簿。宋武受命。晉陵公主降封東鄉君。以混得
罪前代。東鄉君節義可嘉。聽還諸氏。自混亡至是九年。
而室宇修整。倉廩克盈。門徒不異平日。田疇墾闢有加。
於舊東鄉君歎曰。僕射平生重此一子。可謂知人。僕射
爲不亡矣。中外姻親。道俗義舊。見東鄉之歸。無不門。

不歎息。或爲流涕。感弘微之義也。弘微性嚴正。舉動必
修禮度。尊卑大小莫不敬之。若神。時有燕濃之者。及見
諸安兄弟。謂人曰。弘微貌類中郎。而性似文靖。文帝卽
位。爲黃門侍郎。遷尚書吏部郎。參機密。尋轉右衛將軍。
弘微少孤。事兄如父。友睦之至。舉世莫及。日不言人短。
見兄曜。好臧否人物。每聞之。常亂以他語。歷位中郎。于
解侍中。志在素宦。畏忌權寵。固辭不拜。每獻替及陳事。
必手書焚草。人莫之知。上以弘微能。膳羞每就。若食弘
微。與親舊經營。及進之後。親人問上。所御弘微。不答。時

以餘語酬之。時人比之漢世孔光及東鄉君薨，遺賻千萬，園宅十餘所。又會稽吳興諸處太傅安司空琰時事，業奴僮猶數百人。公私咸謂室內資財宜歸二女，田宅奴僕應屬弘微。弘微一不取自以私財治喪，及歆潤墓舍葬東鄉。弘微牽疾臨赴，病遂甚。元嘉十年卒，年四十。二文帝歎惜甚，至譚謝景仁曰：「謝弘微年踰四十，名位未盡其才，此朕之過也。」勅二衛千人營畢葬事，贈太常。弘微與琅邪王慧王球並以簡淡稱，人謂沈約曰：「王慧何如？」約曰：「令明簡。」次問王球，約曰：「情至淡。」又次問弘微。

約曰簡而不失。淡而不流。古之所謂名臣。弘微嘗之。其見美如此。子莊自有傳。

御史中丞孔彥琳琳之

弟琳之子遵附

孔琳之字彥琳。會稽山陰人。光祿大夫廐之子也。強正。有志力。少好文義。解彈碁。妙善草隸。桓玄輔政。爲太尉。以爲西閭祭酒。玄時議欲廢錢用穀帛。又議復肉刑。琳之極論變通之道。以爲不可。議遂寢。玄好人附悅。而琳之不能順旨。以是不見知。出爲吳興太守。宋永初中。爲御史中丞。奏劾尚書令徐羨之。虧違典憲。時羨之領揚

用。料。史。琳。之。弟。璩。之。爲。中。從。事。羨。之。使。璩。之。解。釋。琳。之。
使。停。寢。其。事。琳。之。不。許。曰。我。觸。忤。宰。樞。政。當。罪。止。一。身。
汝。必。不。應。從。坐。何。須。勤。勤。邪。自。是。百。僚。震。肅。莫。敢。犯。禁。
武。帝。甚。嘉。之。行。經。蘭。臺。親。爲。臨。幸。遷。祠。部。尚。書。不。事。產。
業。家。尤。貧。素。卒。贈。太。常。子。邈。有。父。風。官。至。揚。州。中。從。事。
侍。中。王。少。明。悅。之。

王。悅。之。字。少。明。晉。右。軍。將。軍。羲。之。之。曾。孫。也。祖。獻。之。中。
書。令。父。靖。之。司。徒。左。長。史。悅。之。少。勵。清。操。亮。直。有。風。檢。
爲。吏。部。郎。憐。眷。有。會。同。者。遺。饌。之。餽。一。膳。辭。不。受。曰。此。

實誠小然。來不願當之。宋明帝初。始。爲貴。得。郎。爲。史中丞。上以其廉介。賜田五頃。以爲侍中。在門下。盡。與。心力。掌檢校御府太官太醫諸署。時承奢侈之後。姦。者。衆。悅之。覆按無所避。得姦巧甚多。於是衆署共咒詛。悅之病甚。恒見兩烏人。搏之。及卒。上乃收典掌者。十。人。桎梏之。送淮陰。密令渡瓜步。江。接之中流。

黃門侍郎虞季瑤玩之

虞玩之字季瑤。會稽餘姚人也。通直常侍。攷之子。少。國。刀筆。泛涉書史。仕宋爲烏程令。路太后外親朱仁。驍。犯。

弄玩之依法按之。太后怨訴孝武，坐免官。元徽中爲尚書右丞。齊高帝鎮東府，朝廷致敬。玩之爲少府，猶躡屐造席。高帝取屐親視之，訛黑斜銳，遂斷以芒接之。問曰：「卿此屐已幾載？」玩之曰：「初釋褐，拜征北行佐，買之着已三十年。貧士竟不辦易。」高帝咨嗟，因賜以新屐。玩之不受。帝問其故，答曰：「今日之賜，恩華俱重，但著替敝席，復不可遺，所以不敢當。」帝善之。拜驍騎咨議參軍。霸府初開，賓客輻湊。高帝留意簡接，玩之與樂安任遐俱以應對有席上之美。齊名見遇。及帝卽位，玩之表言便宜多。

見採納遷黃門侍郎以父宦衰疾上表乞休許之玩之
好臧否人物宋末王儉舉員外郎孔逷使魏玩之言論
不相饒借逷儉並恨之至是玩之東歸儉不出送朝廷
無祖錢者中丞劉休與親知書曰虞公散髮海隅同古
人之美而東都之送殊不藹藹玩之歸家數年卒其後
員外郎孔瑄就儉求會稽五官儉方盥投皂笊於地曰
卿鄉俗惡虞玩之至死煩人

尚書左僕射王希季延之

王延之字希季昇之子也少靜默不交人事仕宋爲司

徙左長史。清貧。居室穿漏。褚彥回以啟宋明帝。即勅林
官爲起三間齋屋。歷吏部尚書左僕射。宋德既衰。齊高
帝輔政。朝野之情。人懷彼此。延之與尚書令王僧虔中
立。無所去就。時人語曰。二王居平。不送不迎。高帝以此
善之。昇明三年。出爲江州刺史。加都督。齊建元元年。進
號鎮南將軍。延之居身簡素。清靜寡欲。凡所經歷。務存
不擾。在江州。俸祿外一無所納。獨處齋內。未嘗出戶。史
人罕得見焉。雖子弟亦不妄前。時時見親舊。未嘗及世
事。從容談詠而已。後爲尚書左僕射。尋領晉陵王師。卒。

謹簡子

祠部尚書虞景豫

虞棕字景豫。餘姚人。祖嘯父。晉左戶尚書。父秀之。黃門郎。棕少以孝聞。父死終喪。日惟食麥餅二枚。仕宋位黃門郎。宋明帝誅山陽王休祐。至葬日寒。雪厚三尺。故人無至者。惟棕一人來赴。初齊武帝始從宦家。尚貧薄。數以分遺。每行必呼帝同載。帝甚德之。齊建元初爲太子中庶子。累遷豫章內史。上以棕布衣之舊。從容謂棕曰。我當令卿復祖業。轉侍中。朝廷咸驚其美。遷祠部尚書。

鬱林王立兼大匠卿已而被廢。恂竊歎曰：王徐達將廢天子天下豈有此理邪？明帝立恂稱疾不陪位。帝集尚書令王晏、詹府立事示恂。以恂舊人引參佐命。恂謂晏曰：主上聖明公卿戮力寧假稱老以匡贊維新乎？不敢聞命。慟哭不自勝。朝議欲糾之。僕射徐孝嗣曰：此亦古之遺直。衆議乃止。恂稱疾篤。還東。詔賜假百日。轉給事中。光祿大夫。尋卒。恂性敦實與之知識必相存。蒞親疎皆有終始。世以此稱之。

東觀祭酒虞士恭愿

虞恩字士恭。會稽餘姚人也。宋元嘉中。爲湘東王常侍。明帝立。以恩儒吏學涉。兼藩國舊恩。除太常丞。尚書祠部郎。通直散騎侍郎。帝以故宅起湘宮寺。費極奢。後魏新安太守巢尚之曰。此是朕功德。恩在側曰。陛下起此寺。皆是百姓賣兒貼婦。佛若有知。當悲哭哀愍。罪高佛國。有何功德。帝大怒。使人馳曳下殿。恩徐去。無異容。帝好圍棋。甚拙。去格七人。道物議共欺爲第三品。與第二品王抗奕。依品賭錢。抗借帝曰。皇帝飛棋。臣抗不能勝。帝終不覺。以爲信然。好之愈篤。恩又曰。堯以此教母朱

蜀人主所宜好也。尋兼中書郎出爲晉安太守。晉安有
越王石常隱雲霧中。太守清廉。乃見愿至。輒見無蔽。郡
產蝮蛇。膽可已疾。不易得。有遺愿者。不忍殺。放之山中。
一夜。蛇還床下。以母老解職。除後將軍。褚彥回嘗詣愿。
愿不在。見其床上積塵成寸。有書數表。彥回歎曰。貞君
之清。至於此。令人掃地拂床而去。遷中書郎。領東觀祭
酒。愿嘗事宋明帝。齊初。遷神主於汝陰廟。愿拜辭。流涕。
建元元年卒。

戎昭將軍虞次安寄

虞寄字次安中庶子蒨之弟少聰敏年數歲客有造其父遇寄於門嘲曰郎子姓虞必當無智寄應聲曰文宇不辨豈得非愚客大慙入謂其父此子非常人文舉之對不是過也及長好學善屬文性冲靜有栖遁志弱冠舉秀才對策高第起家梁宣城王國左常侍大同中嘗驟雨殿前往往有雜色寶珠梁武觀之甚有喜色寄因上瑞雨頌帝謂蒨曰此賦典裁清拔卿之士龍也及岳陽王譽爲會稽太守辟寄中記室領郡五官掾在職簡畧煩苛務存大體曹局之內終日寂然侯景之亂隨蒨

人臺及城陷遁還鄉里。張彪往臨川，強寄俱行。寄與彪將鄉鄰同舟而載。璋嘗忤彪意，乃劫寄奔晉安。時陳寶應據有閩中，得寄甚喜。陳武帝平侯景，寄勸令自結寶應從之。乃遣使歸誠。永聖元年，除中書侍郎。下詔徵之。寶應愛其才，託以道阻不遣。每欲引寄爲僚屬，委以文翰。寄固辭獲免。及寶應結婚留異，潛有逆謀。寄微知其意，言說之際，每陳逆順之理，微以諷諫。寶應輒引說他事以拒之。寄知不可諫，慮禍及已，乃爲居士服以拒絕之。常居東山寺，僞稱脚疾不復起。及留異稱兵，寶應資

其部曲寄少因書極諫。寶應不聽。及敗走。夜至莆田。顧謂其子玢。秦曰。早從虞公計。不至今日。寶應既禽。凡諸賓客。微有交涉者。皆誅。惟寄以先議免禍。文帝尋勅都督章昭達發遣寄還朝。及至。謂曰。管寧無恙。其慰勞懷。尋除衡陽王長史。兼掌書記。寄入謝。帝曰。所以暫屈卿游藩者。非止以文翰相煩。乃令以師表相事也。後除東中郎。建安王諮議。加戎昭將軍。太建八年。晉太中大夫。卒。寄少篤行。造次必於仁厚。雖僉豎未嘗加以聲色。至臨危執節。則辭氣凜然。雖白刃不憚也。前後所居官。未

嘗至秩滿。裁暮月。便自求解。退常日。知足不辱。吾知足矣。每出游近寺。閭里傳相告語。老幼羅列。望拜道左。或言。誓爲約者。但指寄便不欺。其至行所感如此。所製文筆。遭亂並多散失。

唐

凡一人

吏部尚書錢蔚章徽

錢徽字蔚章。吳興詩人起之子。登進士第。僑居穀城。穀城令王郢善接僑士。游客以財代饋。坐是得罪。觀察樊澤閱其簿。獨徽無有。乃表署掌書記。蔡賊方熾。澤多募

武士澤卒士頗希賞周微主留事重擅發軍唐不敢發時大雨雪士寒凍微先冬頒衣絮士乃大悅一軍以安人拜左補闕以祠部員外郎爲翰林學士三遷中書舍人加承旨是時內積財國復河湟然禁無名貢獻而至者不甚卻微懇諫罷之帝密戒後有獻毋入右銀臺門以避學士以論淮西事忤旨改庶子出爲虢州刺史入拜禮部侍郎宰相段文昌以所善楊渾之學士李紳以周漢賓並譏微求致第籍渾之者憑弟也多納古帖秘藏於文昌皆世所寶微不如二人請自取楊殷士與微

巢巢者李宗閔婿。殷士者汝士之弟。皆以義氣與徽。徽
文昌怒時帥鄒南人。薛卽奉徽取士。以私請訪紳及元
稹時稹與宗閔有隙。因是共擠之。有詔王起白居易
詰而黜者過半。遂貶江州刺史。汝士勸徽出文昌紳。私
書自直。徽曰。苟無媿於心。安事辯證邪。勅子弟焚書。州
有牛田錢百萬。刺史例以給宴飲。贈餉者。徽曰。此農耕
之備。可他用哉。命代貧民租入。文宗立。召拜尚書左丞。
告老。不許。尋以吏部尚書致仕歸。徽與薛正倫親。弘簡
善二人前死。徽撫其孤。至婚嫁。與已子女。等任鹿子。時

韓公武以賂結公卿遺徽錢二十萬不納或言非當路可無讓徽曰取否在義不在官也卒年七十有五贈尚書右僕射

宋一 共四十八

翰林學士詹存孝駿

詹駿字存孝縉雲人大中祥符元年舉進士第一人真宗御書榮桂二字賜之時年二十二官至大中大夫翰林學士致仕性嚴重子適中第歸省踰期拜庭下父不顧命去袍笏杖之曰毋以一第縱恣也二子俱以孝廉

翰林學士錢醇老蒞

錢蒞字醇老，彥遠之從子也。幼孤，刻厲爲學，第進士。又中賢良方正科，爲秘閣校理。慈聖后臨朝，蒞三上書乞還政，同修起居注，知制誥，加樞密直學士，知開封府。平居樂易，無崖岸，而居官獨立，守繩墨，爲政簡靜，有條理，不肯徇私取顯，數求退。改翰林侍讀學士，知審官東院。卒，年六十一。神宗知其貧，賻錢五十萬，贈太中大夫。

朝請郎錢景謨

錢景謨，景臻之從兄也。繇殿直，巡轄兩京馬廄，中進士。

第初赴開封解試時王安石得其文以爲知道者既薦
送之又推譽於公卿間自是執弟子禮景謚執喪居許
聞安石得政喜因事來京師謁之方盛夏安石與僧智
緣卧於地一最親者袒坐其側顧景謚襦服脫帽未及
他語卒然問曰青苗助役如何景謚曰利少害多異日
必爲民患又問孰爲可用之人曰居喪不交人事而知
人尤難事也遂辭去後調官復來安石已作相又往詣
之安石令先與弟安國相見安國亦與之善謂景謚曰
相君欲以館閣相處而任以事景謚曰百事皆可爲所

不知者新書役法耳。及見安石，安石欲令治峽路役事，且慰以戎瀘變事。景諶曰：「峽路民情，僕固不能知，而戎瀘用兵，繫朝廷舉動，一路生靈休戚，願擇知兵愛民者。」安石大怒，坐上客數十人皆爲之懼，退就謁舍，賞激之。與詆以爲矯者，參半。景諶笑曰：「自古以來，好利者衆，而顧義者寡，故天下萬事皆由人，而不在於已。苟爲利所動，而由於人，則盜亦可爲矣。夫盜之所以爲盜者，利勝於義，而不知所以爲之者耳。吾又何憾焉？」遂與安石絕。熙寧末，從張景憲辟知瀘州，終身爲外官，僅至朝請郎。

而卒

秘閣檢理王介

王介常山人強記博聞性亢直以名節自負舉制科累
官秘閣校理與王安石游甚款然未嘗降意相下初安
石屢召不起後受學士之命介作詩寄之有云草廬三
顧動春夢蕙帳一空生曉寒蓋有所不滿也及安石秉
政介老死不復通一字君子以爲不愧其名

翰林學士錢穆父總

錢總字穆父彥遠之子也生五歲日誦數千言以甚知

尉氏縣授澧內銓主簿判銓陳襄嘗登進班簿神宗稱
之襄曰此非臣所能主簿錢總爲之耳明日召對將任
以清要官王安石使弟安禮來見許用爲御史總謝曰
家貧母老不能爲萬里行安石知不附已命權益錢判
官歷提點河北京東刑獄元豐定官制總方居喪資於
左司郎中格目書其姓名須終制日授之奉使弔高麗
外意頗謂欲結之以北伐總入請使指帝曰高麗好文
又重士大夫家世所以選卿無他也乃求呂端故事以
行凡餽餼葬故所有者皆弗納歸次紫燕島王遣三吏

餉金銀器四千兩。總曰：在館時既辭之矣，今何爲者？吏泣曰：王有命，徒歸則死。且左脅已受矣。總曰：左右脅各有職，吾惟側是視，汝可死，吾不可受。竟却之。還拜中書舍人，以龍圖閣學士知開封府。老吏畏其敏，欲困以事，導人訴牒至七百。總隨卽剖決，無不中理。乃驚詫去，貴戚爲之歛手。蘓軾嘗乘其据案時，遺之詩。總捧筆立就，以報。軾曰：電掃庭訟，響答詩筒，所未見也。哲宗初政，翰林缺，學士章惇三薦林希。帝以命總，仍兼侍讀，以嘗行傳讀詞懼而求去。帝曰：豈非執執非少主之臣，硯硯無

大臣之節者乎。朕固知之。毋庸避也。特因是極意排詆。輒全臺攻之。言不已。罷知池州。卒於官。年六十四。元符末。追復龍圖閣學士。

白牛居士陳令舉舜俞

陳舜俞字令舉。嘉興人。強記博學。從胡安定環遊。舉進士。嘉祐間中制科第一。熙寧初以屯田員外郎知山陰。召試館職。不就。會青苗法行。不奉令。上疏自劾。責監南康軍酒稅。直道自信。無所回撓。在貶所。日與太博劉焄之。跨雙犢。窮泉石之勝。自號白牛居士。鄉人名其所居。

曰白牛鎮清風里。及卒，蘓文忠爲文哭之，稱其學術才能兼百人之器，將以身任天下之事，而一斤不復士大夫識與不識，皆深悲之。所著有都官集、廬山記、行於世。祠部員外郎強幾聖至。

強至字幾聖，錢塘人。少有志節，力學問，異俗喜嬉遊，事請謁至一切謝絕，讀書屬文忘晝夜，寒暑鄉爲舉首登進士，工古文，尤積思於詩。居官聽獄訟，不視勢高下，輕重窮究，辯析平反，甚衆。居喪毀瘠過制，其治終事一出已力，不資於人。韓琦罷政事，鎮京兆，徙鎮相親，常引至。

自助琦上奏及他書記皆至屬稿琦乞不散青貽神宗
聞其奏曰此必強至之文也一日琦行一事不關由僉
廳至達力辭去琦言小事至曰小事尚爾何況大事遜
謝數日乃肯留琦數薦克館閣未及用而卒官至祠部
員外郎累贈金紫光祿大夫有文集二十卷曾鞏爲之
序

右司員外郎吳師禮

吳師禮錢塘人太學上舍賜進士第元符初除秘書省
正字以餞鄉誥免官徽宗時爲開封府推官罷右司員外

改右司員外郎。師禮工翰墨。徽宗訪以字學。對曰。御書之初。當志其大者。臣不敢以末技對。治蔡王獄。不使誣及王人。服其公。累遷右司員外郎。以直秘閣知宿州。卒。嘗與江公望相值。公望問曰。公得志。當何如。對曰。當爲人作豐年耳。由此定交。

給事中傅子駿崧卿

傅崧卿字子駿。山陰人。省試第一。擢甲科。累遷考功員外郎。方士林靈素得幸。造符書。自輔臣以下。皆從靈素。師授崧卿與曾幾獨不往。被譴。出爲浦圻縣丞。高宗嘗

爲中書門下省檢正諸房公事詔問建都孰便崧卿言
建康建國宜定基本以濟中興北虜渡江上自越幸四
明崧卿殿後乘障盡死力拜浙東防遏使明年知越州
上自永嘉還越崧卿乞減供億省用度雖中旨有不便
輒執奏賜可乃已後金師復大舉入寇上將親征崧卿
入對言留都管鑰旁郡輔翼當及鑒興未發亟圖之庶
無後慮上稱善進給事中尋罷歸自國家多事常慷慨
欲以功名自見與客言及國事輒憤詆或至流涕攬鏡
見齒髮衰落歎曰吾遂無以報國家而死乎在上前論

議尤感激未及大用而卒時人情之所著有然屬溪壑
集六十卷西掖制誥三卷其夏小正傳最行於世

福建提舉吳守約詳

子祗若附

吳詳字守約崇寧間爲蘄州教授高簡自持不爲貴
所屈時中貴朱勔以花石綱住蘄州勢焰薰灼有司者
息奔走如屬官詳獨不屑見之人稱其介及爲福建路
茶司提舉以廉著名人仕四十年無一桮以庇風雨子
應祥登紹興十五年進士

唐恕，餘杭人，參知政事介之孫也。崇寧中，爲華陽縣令，不能奉行茶法，忤使者，請病免歸。其弟意方爲南陵令，亦以病自免。兄弟杜門躬耕，恕尋以宣教郎致仕。靖康元年，御史中丞許翰言其高行，起爲監察御史，意亦以宰相異數薦召對，而貧不能行，竟餓死餘杭山中。

潮州判沈次仲造

沈造，字次仲，籍雲人，以進士歷官通判。廉直不阿，一心民事，故隨在有美頌。初知漳浦，海寇作亂，將及境，聞造有政聲，卽引去。曰：毋驚沈公。及判潮陽，有韓山被虜，

男女以祭，歷政畏憚之，修饗不敢後。時造焚其廟，毀像，得巨蛇，殺而烹之，凶祀遂絕。議者以方韓昌黎之騷，云造卒，潮民相率聚哭祠下三日始去。工書善文章，有文集二十卷。胡樵評其書似歐陽率更而清勁過之。

翰林學士毛達可友

弟奎子升附

毛友字達可，西安人。少游太學，與同郡馮熙載、盧襄、龔爲三俊，登進士第。累官廣陵帥。了翁陳瓘徙玉陽，道出都江，或疑其蔡黨。瓘先遣書友答報，加禮且云：公立朝行已，風采重於一時。某願見而不可得，卽出郊候。瓘

手笑語如平生交。璫亦待之無間。尋守鎮江。時方臘已殘。璫監司。猶不以實聞。友具奏。時宰相主應奉諸使。皆未勸客。怒其張皇。友遂監觀。其謝表曰。兩郡生靈。已罹非命。一道使者。猶謂無他。璫聞。以書譽於親舊曰。蔽遮江淮。阻遏賊勢。斯人有助也。後官翰林學士。卒。所著有爛柯集。弟奎子开。皆有名。

吏部郎李彥淵

李執字彥淵。富春人。登進士。中宏詞科。爲會要所檢閱。官刑正。謚法。宣和初。提舉廣東市泊。居官廉直。珍貨一。

無所取。未幾，船商輻輳，召問盜，邀之於途，乃胙篋，隨行書帙而已。盜亦歛衽退，紹興間，船商以執清節，聞於龍。除比部郎，尋遷吏部。秦檜欲以子與執女爲婚，却之。遷轉作監，檜屢遣子就學，執告曰：「爲天子卿監，豈爲宰相教子遂巧？」外持憲閤部，易江東，能脩權臣累奉祠，不獲。桀望卒，年七十七。執澹泊寡欲，廉直之節，重於一時。晚年，請食與病已絕，獨嗅未盡去，因榜其小室曰：「去嗅。」著有去嗅居士集。

刑部郎史祺孫

史洪孫安吉人舉政和進士第以刑部郎出典韻興屬
二郡初秦檜謀誅岳飛命洪孫蒐索其家交游書札俱
孫悉焚之曰誣人以求榮吾不爲也遂引年而歸

虹縣尉徐端益

徐端益婺之蘭谿人靖康間以右科爲虹縣尉高潔自
持不屑阿徇以取容時張邦昌僭立手書到縣令以下
迎拜宣讀如往青迎詔儀端益獨植立不爲屈膝高宗
卽位向子誣言於朝爲易文資以旌異之說者以端益
之一立比狂瀾之砥柱至今讀之令人委靡之氣都盡

殿中侍御史沈德侔子濟野

沈侔字德侔，德清人。第進士，歷官州縣，崇寧中，擢監察御史。侔至臺，欲有所論建，而大察無言事法，乃詣歷上十事，言花木擾民，土木獎國，冗費多，恩澤濫，議論異同，下情睽隔，其論當十夾錫錢，最爲剴切，不報。進殿中侍御史，時蔡京與橫州錢獄，欲陷章綬兄弟，遣開封尹李革壽，御史張茂直鞠之，株逮至千百，強抑使承盜鑄罪，死者甚衆，京猶以爲緩，帝獨意其非辜，遣侔與御史蕭康孫代京將啖以顯仕，自爲左正言，及擢侍御史，侔至

顧卽自決釋無佐證者七百人歎曰爲天子耳目司而
可傳會推要殺人以苟富貴乎遂聞實平反以聞京大
怒削晴三秩貶監信州酒稅未幾卒旣而獄事竟復羈
管明州使者持勅至家將發棺驗實晴子瀦泣訴乃止
建炎初贈龍圖閣直學士瀦官至右正言

浙江提點刑獄王與正師愈

王師愈字與正金華人登紹興戊辰進士初調建州崇
安尉母喪不行服除歷官州縣乾道中召除金部郎官
兼崇政殿說書召見言事御札解條奏嘗稱之曰王師

俞諫官御史才也尚書楊侯陰附執政欲督諸郡積逋以償內府貸銀師愈以爲用上擾民持不可罷知饒州後除浙江提點刑獄丐祠卒師愈爲政仁恕而綱目整齊所至賑荒裕民聲績顯著皆卓可傳戶外二十年人皆以不究用爲恨

細高居士黃槐卿中輔

黃中輔字槐卿婺之義烏人讀書工文辭以奇節自負紹興中秦檜和議旣成日使士大夫歌頌太平之美但有言其好者輒捕殺之中輔每對客言及時事必罵賊

檜嘗作樂府題太平樓有快磨三尺劍欲斬佞臣頭之句檜聞大怒踪跡不得而止居鄉每爲仇家所挾將發之會檜死乃免自號細高居士名其齋曰轉拙

吏部侍郎應仲實孟明

應孟明字仲實永康人登隆興癸未進士歷官樂平縣丞以薦爲詳定一司轉令所刪定官輪對首論南北通好疆場無虞當選將練兵常如大敵之在境次乞申嚴監司庇貪吏薦舉徇私情之禁帝嘉其久之他日宰相進擬帝出片紙書二人姓名曰卿何故不及此其一人

時孟明也。乃拜大理寺丞，出爲麟建提舉常平。陛辭，帝諭之曰：「朕知卿愛百姓，惡賊吏，事有不便，宜悉意以聞。」帝一日御經筵，因論監司按察，顧謂講讀官曰：「朕近得數人，應孟明其最也。」尋除浙東提點刑獄，以鄉郡引嫌，改使江東。會廣西謀帥，帝謂輔臣曰：「朕熟思之，無易處。」孟明者，進直秘閣，知靖江府，兼廣西經畧安撫使。廣西病於鹽法，追逮禁錮，民不聊生。孟明驛奏除之。光宗卽位，召爲吏部員外郎，累遷中書門下，檢正諸房公事。寧宗立，拜太府卿，權吏部侍郎。卒，贈少師。孟明以儒學著。

身受知人主官職未嘗倖進韓侂冑遣客誘以諫官
俾誣趙汝愚固却不從士論以此重之

吏部侍郎閻丘逢辰所

閻丘昕字逢辰，麗水人，爲婺州義烏令，有政績，薦授監
察御史，累遷吏部侍郎，給事中，以敷文閣待制知溫州。
時有薛某者，秦檜親黨也，居郡中，承檜密旨，俾造漆器。
昕持正不從，薛怒，詆秦檜，罷斥之。昕遂拂衣歸。昕嘗憤
權臣專政，作周易二五君臣論，以排用事者。平生不殖
產，至無宅可居。事聞，朝廷給宅賜之。太守馬光祖卽其

地建祠。扁曰清風。齊人趙崇潔爲太常。陳乞請謚。太常
博士趙崇璿議曰。孟子稱富貴不能淫。威武不能屈。此
之謂大丈夫。故得失寵辱皆浮雲飄瓦。若斯爲言。官爲
給舍。爲選部。以獎廉靖。惜名器爲先務。故不爲植勢所
撓。真無規於孟子所謂大丈夫者矣。謚法臨官潔正曰
清。一德不懈曰簡。請合二美。以易斯名。考功郎洪勲履
議曰。士有去百年而使人追思。所以表章此其名節必
有不可泯者。至如斯剛毅之氣。不可奪也。請如太常議
奏謚清簡。

湖北提舉胡子上升

胡升字子上升，麗水人。博雅工文辭。初任彭澤丞，終湖北提舉。紹興初，郡將耿延禧創譙門，委誤上梁文并記刻石畢，以錢十萬、酒百壺餉之。升曰：「升雖貧，終不爲一譙門所鬻。」邦人高之。

太府寺丞潘舜舉大臨

潘大臨字舜舉，松陽人。嘗以兩浙運司主管文字書攝温州，獲海寇五十人，聞其實，釋無辜者半，復以太府寺丞出權真州茶鹽。時相丁大猷幾入貶，建曰：「有美獻卽

受賞大臨曰吾一錢皆籍縣官羨餘所取大全怒馳代者夜半奪印去後知廣德軍

判潼州轉運王佐

王佐松陽人領鄉薦入太學尋補武學博士召試學士院對策言用兵開募不可時韓侂胄欲藉此立功見策憤然諷御史胡紘劾佐狂妄出判潼州轉運司事佐著官政善人賴休息嘗作利州學記云聖人之道以修己治人爲要而世方以道爲僞以窮經明理爲儒而時方以儒爲黨是非出於一時公議定於萬世四川安撫使

程松以爲譏訕朝廷奏聞落職主管鴻禧觀歸之日車就道篋惟衣冊而已

直秘閣林懿成季仲

弟叔豹附

林季仲字懿成永嘉人登宣和第調婺州兵曹遷仁和令兵亂捍截有功改宣教郎高宗幸永嘉中丞趙鼎薦爲臺官及鼎輔政累遷吏部郎面對乞重縣令之選且云願從陛下丐一令以自効臣承乏郎官求爲縣令似不情者然官職輕重惟陛下如何以省部爲重則重在郎官以斯民爲重則重在縣令古人有言曰請自隗始

鄭官出宰百里。請自臣始。尋除太常少卿。擢罷相。亦出知泉州。再相。奏今清議所與。如劉大中。胡寅。呂本中。林季仲之徒。陛下能用之乎。陛下於此。或難。則臣無所措手足。乃除檢正。時秦檜主和議。季仲上疏。引夫差勾踐事。爭之。大忤檜意。罷去。久之。起知婺州。以直秘閣奉祠。優游田里。八年卒。弟叔豹。字德惠。以進士知慈谿。值金兵入鄞。姦民相挺作亂。叔豹捕戮首惡。邑賴以定。終江東轉運副使。

太常少卿胡季臯襄

胡襄字季臯永嘉人登紹興第教授婺州轉臨安召爲
御史臺主簿明年遷監察御史監國子監秋試時時相
客某方以魁選自期及榜揭乃溫人吳蘊古客大怒訴
之時相時相亦怒亟擢鄭仲熊爲正言仲熊卽劾之曰
自趙鼎立專門之後有司附會專務徇私不論才與不
才有是說必致高第今襄又爲之倡欲使人人盡歸鼎
之門而後已遂罷隆興初以王十朋薦除江西提刑召
對備言宣靖間事臣實親見豈惟廟謨外失亦由人心
內離願陛下攬觀覆轍備而後動孝宗傾聽除太常少

卿兼樞密都承旨左相陳俊卿雅相敬重襄每燕見必舉當世弊事與政所宜先者俊卿喜其助已益重之以疾求去除直徽猷閣江東提刑移福建卒襄早學於胡安國固已一出於正晚復交武夷朱氏由是體用浹洽本末純粹朱氏嘗語人曰永嘉前一輩人物究竟終別蓋指劉許以後及襄也

司農卿林正甫湜

林湜字正甫平陽人登紹興第調富陽尉以弭盜功陞秩知晉江縣適造戰艦湜不忍歛民欲弃官去諸蕃客

最著義之咸助其役、經成而民不知、秩滿、空城攀留、車
不得行、夜從間道去、通判南劍州、奏罷榷酒、除監察御史、
以不阿比爲小人所忌、爲殿試參詳官、某士對策、剴
切、澁擬爲第一、不用、及侍御史劉克祖下選、澁曰、可以
行矣、遂出爲江西轉運判官、歲捐科名之在漕司者數
萬緡、而漕計不虧、歷太府司農卿、韓侂冑擅權、仇惡正
仕、力請外、進直龍圖閣致仕、卒、朱晦菴旣以黨斥、士諱
出其門、澁徇執弟子禮不變、君子以是重之、

戶部侍郎馬會叔大同

馬大同字會叔建德人登紹興進士第自爲小官卽以剛介聞改秩除國子監簿對便殿上與語輒奏不然明日謂宰執曰夜來馬大同奏對朕與之辨論凡不然朕說者三氣節可嘉由是簡知孝廟有大用意後每對上輒陳恢復大計歷中外要官必求盡職以洗冤澤物爲已任所至雖遐僻童孺無不知大同名仕至戶部侍郎學者稱爲鶴山先生

資政殿大學士沈德之復

沈彥字德之德清人紹興中進士爲太常主簿賜對便

廢論古昔公卿身兼將相南巢之舉尹實視師東山之
師周公專之漢之諸葛晉之杜預唐之李靖類皆儒者
之餘出乃今士大夫口不談兵緩急孰可任用上悅除
宗正丞歷官工部侍郎一日上問服膏財用幾何各備
者幾何所用幾何虧差幾何復一一奏對訖於所佩囊
袋中取小冊進呈無毫髮差上大喜次日問宰相侍郎
有過政府例否梁克家奏云陛下用人何以例爲遂特
拜端明殿學士同知樞密院事時大臣專政同列咸媚
承之復毅然中立每公會一指之外無他言有所論議

不爲少貶。復以資政殿大學士出知荆南。四川鎮江福
州所至風采聳然。卒謚簡肅。真德秀序其集。謂前古大
臣。塞謬之風。

太府簿丘漢規何

丘何字漢規。遂安人。登乾道進士第。宰連江。有聲。邵康
者。交薦。不自售。由是浮沈州縣。晚始登朝。監進奏院。繼
太府簿。時方詆道學。世以道爲諱。上而廟廊獻納。下直
學房講集。絕口不言性命等字。雖六經孔孟語亦避之。
何獨秀疏論中庸及皇極。偏黨之義。語意懇切。慶元中。

已將有事於南郊太常缺卿丞肄儀宰相以何名聞遂
擢卿行禮自受誓戒至飲福細大無違名聲驟起方將
超擢而晨入署舍暮還值邸不肯一謁當路積二年出
守袁州卒

起居舍人倪起萬千里

倪千里字起萬東陽人七歲能默誦九經諸子入上庠
月書龜列學者宗之登淳熙進士議論文墨籍甚開門
授徒戶外屨滿以縣最擢御史公饋不入門私書不出
國退食蕭然如山居遷右正言以言事忤大臣除起居

舍人、兼國史編修、實錄檢討、並兼侍講、卒於位、特贈右
文殿修撰、階朝奉大夫、

兵部郎孫居敬

孫訥字居敬、東陽人、淳熙十四年進士第三人、累官太
學正、遷博士、進監丞、時京尹屏武學生不以其道、訥抗
疏爭之、不報、遂請外、知漢陽軍、六館之士悉出餞、尋知
黃州、憲湖南、所至皆有善政、嘗書真實心地簡徑法門
八字於座、仕終兵部郎官、所著有暗庵集、

刑部侍郎蔡行之幼學

子箴節範附

蔡幼學字行之瑞安人年十八試禮部第一孝宗策士
聞其才將置首列是時外戚張說用事宰相虞允文梁
克家皆陰附之幼學對策切直其言有曰或以虛譽惑
聽自許立功或以絀然容身不能持正蓋指允文克家
也允文等惡之遂得下第爲廣德軍教授入爲校書郎
數論列時政韓侂冑不悅條提舉福建常平時朱熹居
建陽幼學每事咨訪遂爲御史劉德秀劾罷奉祠者凡
八年有勸侂冑收召名士乃召爲史部員外郎歷福建
安撫使洎朱熹去舉朝而歸召爲樞密部尚書兼詹事

卒於官。謚文懿。幼學。早以文名於時。而中年述作益窮
根本。非關教化之大。由性情之正者。不道也。所著有年
曆大事記。列傳舉要等書。子三。蒼節。範。而範最有名。守
衡。化行山洞。卓有殊績。終於吏部侍郎。風力峻整。直已
不阿。爲時名臣。